

古洮陽

狄道州志

卷八
之九

狄道州志卷之八

人物上

名臣

辛武賢 辛慶忌 李寶 辛子馥弟子華子德維 辛慶之

辛術 辛昂 辛公義 李禮成 辛秘

漢

辛武賢宣帝神爵初為酒泉太守時先零羌楊玉等反趙充國至金城願罷騎兵留屯田欲俟虜疲劇乃擊之武賢奏言郡兵皆屯備南山北邊空虛勢不可久可益馬食以七月上旬分兵並出張掖酒泉合擊罕开在鮮水上者天子下其書拜

狄道州志

卷八

人物上

一

破羌將軍

見趙充國傳

按班固贊曰狄道辛武賢慶忌皆以勇武顯聞

辛慶忌字子真武賢子少以父任為右校丞隨長羅侯常惠屯田烏孫赤谷城與歙侯戰陷陳郤敵惠奏其功拜為侍郎遷校尉將吏士屯焉耆國還為謁者元帝初補金城長史舉茂才遷郎中車騎將軍朝廷多重之者轉為校尉遷張掖太守徙酒泉所在著名成帝初徵為光祿大夫遷左曹中郎將至執金吾始武賢與趙充國有隙後充國家殺辛氏至慶忌為執金吾坐子殺趙氏左遷酒泉太守歲餘大將軍王鳳薦慶忌質行正直仁勇得衆心通於兵事明畧威重任國柱石父

破羌將軍武賢顯名前世有威四夷臣鳳不宜久處慶忌之右迺復徵爲光祿大夫執金吾數年坐小法左遷雲中太守復徵爲光祿勳時數有災異丞相司直何武上封事言慶忌行義修正柔毅敦厚謀慮深遠前在邊郡數破敵獲虜外夷莫不聞宜在爪牙官以備不虞其後拜爲右將軍諸吏散騎給事中歲餘徙爲左將軍慶忌居處恭儉食飲被服節約獨性好輿馬多解明爲國虎臣遭世承平匈奴西域親附敬其威信年老卒官長子通爲護羌校尉中子遵函谷關都尉少子茂水衡都尉出爲郡守皆有將帥之風宗族支屬至二千石者十餘人元始中安漢公王莽秉政見慶忌本大將軍鳳

所成三子皆能欲親厚之是時莽方立威柄用甄豐甄邯以自助茂自見名臣子孫兄弟並列不甚誦事兩甄時平帝幼外家衛氏不得在京師而護羌校尉通長子次兄素與帝從舅衛子伯相善兩人俱游俠賓客甚盛及呂寬事起莽誅衛氏兩甄搆言諸辛陰與衛子伯爲心腹於是司直陳崇舉奏其宗親隴西辛興等侵陵百姓莽遂按通父子遵茂兄弟及南郡太守辛伯等皆誅殺之辛氏繇是廢慶忌本狄道人爲將軍徙昌陵昌陵罷留長安

漢書本傳

陳子仁曰何武薦慶忌曰宜在爪牙以備不虞蓋不盡知慶忌者觀班固傳言匈奴西域敬其威信是其大節不在此當

其上書救劉輔叩頭救朱雲此二事表表絕人班固獨不載本傳何也慶忌在漢將中有汲黯社稷之力量何武不知於當時班固不知於後世吾故揭而出之

漢書
評林

北魏

李寶字懷素涼王暠之孫也沉雅有度量驍勇善撫綏伯父歆爲沮渠蒙遜所滅寶徙於姑臧歲餘隨舅廣契北奔伊吾臣於蠕蠕其遺民歸附者稍至二千寶傾身禮接衆皆樂爲用屬世祖遣將討沮渠無諱於敦煌無諱捐城遁走寶自伊吾南歸敦煌遂修繕城府規復先業遣弟懷達奉表歸誠世祖嘉其忠欵拜懷達敦煌太守別遣使授寶使持節侍中鎮西

狄道州志

卷八

人物上

三

大將軍沙州牧敦煌公仍鎮敦煌眞君五年因入朝遂留京師拜外都大官轉鎮南將軍并州刺史還除內都大官高宗初改授鎮北將軍太安五年薨年五十三詔賜命服一襲贈

以本官謚曰宣有六子承茂輔佐公業冲

魏書
本傳

辛子馥字元穎穆長子早有學行累遷平原相父子並爲此郡吏民懷安之元顥入洛子馥不從莊帝反政封三門縣男天平中除大尉府司馬長白山連接三齊瑕邱數州之界多有盜賊子馥受使檢覆因辨山谷要害宜元鎮戍之所又諸州豪右在山鼓鑄姦黨多依之又得密造兵仗上表請破罷諸冶朝廷善而從之後卒於清河太守子馥以三傳經同說異

遂總爲一部傳註並出梭比短長會亡未就北史本傳弟子華字

仲夷天平中右光祿大夫子德維武定末司徒行叅軍魏書辛紹

先傳

辛慶之字餘慶世爲隴右著姓父顯宗馮翊郡守慶之少以文學徵詣洛陽對策第一除秘書郎屬爾朱氏作亂魏孝莊帝令司空楊津討之津啟慶之爲行臺左丞與參謀議至鄴聞孝莊帝崩遂出兗冀間謀結義徒以赴國難尋而節閔帝立乃還洛陽及賀拔岳爲行臺復啟慶之爲行臺吏部郎大統初從周文帝東討爲行臺左丞六年行河東郡事九年入爲丞相府右長史除度支尚書復行郡事遷南荊州刺史加儀

狄道州志

卷八

人物上

四

同三司慶之位遇雖隆而率性儉素車馬衣服亦不尚華侈志量淹和有儒者風度特爲當時所重又以其經明行修令與盧誕等教授諸王廢帝二年拜秘書監卒官子加陵主寢

上土

北史本傳

北齊

辛術字懷哲俊之弟少明敏有識度解褐司空胄曹參軍再遷尚書右丞出爲清河太守致有能名遭父憂去職清河父老數百人詣闕請立碑頌德齊文襄嗣事追詣晉陽爲上客累遷散騎常侍武定六年侯景叛除東南道行臺尚書封江夏縣男與高岳等破侯景擒蕭明遷東徐州刺史爲淮南經略

使齊天保元年侯景徵江西租稅術率諸軍渡淮斷之燒其
稻數百萬石還鎮下邳人隨術北渡淮者三千餘家東徐州
刺史郭志殺郡守文宣勅術有犯法者刺史先啟聽報以下
先斷後表聞齊代行臺兼摠民事自術始也安州刺史臨清
太守盱眙蘄城二鎮將犯法術皆案奏殺之睢州刺史及所
部郡守俱犯大辟朝廷以其奴婢百口及資財盡賜術三辭
不見許術乃送詣所司不復以聞及王僧辯破侯景術招攜
安撫城鎮相繼歛附前後二十一州於是移鎮廣陵獲傳國
璽送鄴文宣以璽告於太廟尋徵爲殿中尚書領太常卿仍
與朝賢議定律令遷吏部尚書術性尚貞明取士以才器循

狄道州志

卷八

人物上

五

名責實甚爲當時所稱天保末文宣嘗令術選百員官參選
者二三千人術題目士子人無謗讟其所旌擢後亦皆致通
顯術清儉寡嗜慾勤於所職臨軍以威嚴牧人有惠政少愛
文史晚更勤學雖在戎旅手不釋卷及定淮南凡諸資物一
毫無犯唯大收典籍并顧陸之徒名畫二王以下法書及還
朝頗以饋遺權要物議以此少之十年卒年六十皇建二年
贈開府儀同三司中書監青州刺史子閤卿尚書郎閤卿弟
衡卿有識學開府參軍事隋大業初卒於大常丞

北史
本傳

北周

辛昂字進君慶之族子數歲便有成人志行有善相者謂其父

仲略曰公家雖世代冠冕然名德富貴莫有及此兒者年十八侯景辟爲行臺郎中景後來附昂遂入朝後追論歸朝勳封襄城縣男及尉遲迥伐蜀昂占募從軍蜀平迥表昂爲龍州長史領龍安郡事威惠洽著迥復表昂行成都令昂到縣便與諸生祭文翁學堂因共歡宴謂諸生曰子孝臣忠師嚴友信立身之要如斯而已諸生等並深感悟於是井邑肅然咸從其化遷梓潼郡守六官建入爲司隸上士襲爵繁昌縣公天和初陸騰討信州蠻詔昂便於通渠等州運糧饋乏時臨信楚合等諸州人庶多從逆昂諭以禍福赴者如歸乃令老弱負糧壯夫拒戰莫有怨者使還屬巴州萬榮郡人反叛

狄道州志

卷八

人物上

六

圍郡城昂募得三千人倍道兼行出其不意又令其衆皆作中國歌直趨走賊壘賊望風瓦解詔賞昂奴婢二十口繒綵四十疋後爲渠州刺史轉通州推誠布信甚得夷獠歡心秩滿還京進位驃騎大將軍開府儀同三司

北史辛慶之傳

隋

辛公義祖徽魏徐州刺史父季慶青州刺史公義早孤爲母氏所養親授書傳周天和中任太學生以勤苦著稱武帝時召入露門學每月集御前令與大儒講論上數嗟異建德初授宣納中士從平齊累遷掌治上士開皇元年除主客侍郎轉駕部侍郎安輯邊境七年從軍平陳以功除岷州刺史土俗

畏病若一人有疾卽合家避之父子夫妻不相看養病者多死公義患之因分遣官人巡檢部內凡有疾病皆以床輿來安置廳事暑月疫時病人或至數百廳廊悉滿公義親設一榻獨坐其間終日連夕對之理事所得秩俸盡用市藥爲迎醫療之躬勸其飲食於是悉差方召其親戚而諭之諸病家子孫慙謝而去始相慈愛此風遂革後遷牟州刺史下車先至獄中親自驗問決斷咸盡方還大廳受領新訟皆不立文案遣當值佐寮一人側坐訊問事若不盡應須禁者公義卽宿廳事終不還閣曰刺史無德何以導人豈有禁人在獄而心自安乎罪人聞之咸自歎服後有欲爭訟者多兩讓而止

狄道州志

卷八

人物上

七

時山東靈雨自陳汝至於滄海皆苦水災境內犬牙獨無所損仁壽元年追充揚州道黜陟大使豫章王暕恐其部內官寮犯法預令使屬之公義答曰不敢有私及至揚州皆無所縱捨暕從之煬帝卽位揚州長史王宏入爲黃門侍郎因言公義之短竟去官吏人守闕訴冤相繼不絕後數歲帝悟除內使侍郎丁母憂未幾起爲司隸大夫武賁郎將從征至柳

城郡卒時年六十二子融

隋書本傳

李禮成字孝諧涼王暠之六世孫祖延實魏司徒父彧侍中禮成年七歲與姑之子蘭陵太守榮陽鄭顥隨魏武帝入關及長沉深有行檢不妄通賓客魏大統中釋褐著作郎遷太子

洗馬周受禪拜平東將軍散騎常侍於時貴公子皆競習弓馬禮成雖善騎射而從容儒服後以軍功賜爵修陽縣侯拜遷州刺史伐齊之役從帝圍晉陽禮成以兵擊南門齊將席毗羅率精甲數千拒帝禮成力戰擊退之加開府進封冠軍縣公拜北徐州刺史未幾徵爲民部中大夫禮成妻竇氏早沒知高祖有非常之表遂聘高祖妹爲繼室情契甚歡及高祖受禪拜陝州刺史進封絳郡公尋遷右武衛大將軍歲餘出拜襄州總管稱有惠政數載復爲左衛大將軍時突厥屢爲寇患緣邊要害多委重臣由是拜甯州刺史歲餘以疾徵還京師終於家其子世師官至度支侍郎

隋書本傳

狄道州志

卷八

人物上

八

唐

辛秘系出隴西貞元中擢明經第授華原主簿以判入等調長安尉其學於禮家尤洽高郢爲太常卿奏爲博士遷兵部員外郎再辟禮儀使府憲宗初拜湖州刺史李錡反蘇常杭睦四刺史或戰敗或拘脅獨秘以儒者賊易之未及至秘召牙將邱知二夜開城收壯士得數百逆賊大進斬其將進焚營堡錡平賜金紫會河東范希朝出討王承宗召秘爲希朝司馬主留務累遷河南尹進拜昭義軍節度使是時承討恒趙之後潞人彫耗秘至則約出入嗇用度比四年儲錢十七萬緡糧七十萬斛器械堅良隱然復爲完鎮召還道病卒年六十

四贈尚書左僕射諡曰肅後更諡懿秘爲大官居不易第服不改初其俸祿悉與裏表親屬病自銘其墓作書一通緘之卒後發視則送終制也儉而不違於禮云

唐書本傳

按舊府縣志俱載李晟李愬李憲云洮州臨潭人考唐書地理志臨潭今之洮州廳也故不錄而於舊籍則仍載李晟云

廉能

牛述

辛暢

辛雄

辛琛

辛悠

辛穆

辛珍之

李承

辛仲龕

李懷仁

李長

烏馬兒

劉正

李弼

王道亨

弟道隆

劉忠

劉源

趙維楨

周鳳

高景

狄道州志

卷八

人物上

九

禹祥

周敏

王暉

劉桂林

魏文政

苟鑑

曹寶

劉朝麒

楊啟充

李自發

劉誼

周自新

李璉

趙本

趙昆

潘光祖

石秉乾

李蓀

李馨

漢

牛述隴西人爲外黃縣令好士知人禮請爰延爲廷掾

後漢書爰延傳

北魏

辛暢字幼達大將軍諮議參軍汝南鄉郡二郡太守太和

郡中正

魏書辛雄傳

辛雄字世寶暢之子有孝性廉謹雅素不妄交游尤長於世務

神龜普泰之間以建議立功累官至殿中尚書兼吏部尚書
尋兼左僕射永熙末魏主修西奔長安雄留守京師爲高歡
所殺二子士璨士貞逃入關中

節畧魏
書本傳

辛琛雄族祖字僧貴祖敬宗父樹寶並代郡太守琛少孤曾過
友人見其父母無恙垂涕久之釋褐奉朝請滎陽郡丞太守
元麗性頗使酒琛每諫之麗後醉輒令閉閣曰勿使丞入也
孝文南征麗從輿駕詔琛曰委卿郡事如太守也景明中爲
揚州征南府長史刺史李崇多事產業琛每諫折崇不從遂
相糾舉詔並不問後加龍驤將軍南梁太守崇因置酒謂琛
曰長史後必爲刺史但不知得上佐何如人耳琛對曰若萬

狄道州志

卷八

人物上

十

一叨忝得一方正長史朝夕聞過是所願也崇有慙色卒於
官琛寬雅有度量涉獵經史喜愠不形於色當官奉法所在

有稱

北史辛
雄傳

辛悠字元壽琛之長子早有器業爲侍御史監揚州軍賊平錄
勳書時李崇猶爲刺史欲寄八名悠不許崇曰我昔值其父
今復逢其子早卒

北史辛
雄傳

辛穆字叔宗鳳達弟舉茂才東雍州別駕初隨父在下邳與彭
城陳敬文友善敬文弟敬武少爲沙門從師遠學經久不反
敬文病臨卒以雜綾二十疋託穆與敬武穆久不得見經二
十年始於洛陽見敬武以物還之封題如故世稱廉信歷東

荊州司馬轉長史代義陽太守再轉汝陽遇水滌人飢上表請輕租賦帝從之遂勅汝陽一郡聽以小絹爲調除平原相徵爲征虜將軍太中大夫未發卒贈後將軍幽州刺史諡曰

貞

北史辛紹先傳

辛珍之琛族子少有氣力太尉鎧曹行參軍稍遷中堅將軍司徒錄事參軍廣州大中正丁憂去任尋起爲汝北太守永安中司空諮議參軍通直常侍永熙中襄城太守天平初洛州以南人情駭懼勅爲大使持節慰諭廣洛二州二年除征東將軍行陽平郡事郡民路黑奴起逆攻郡爲黑奴所執諸賊勸殺之黑奴曰成敗未可知何爲先殺太守也乃將珍之自

狄道州志

卷八

人物上

十一

隨待遇以禮右衛將軍郭瓊討平黑奴乃得免興和中爲衛將軍司徒司馬武定三年除驃騎將軍北海太守還爲儀同開府長史兼光祿少卿未幾詔珍之持節爲廣洛北荆揚雍襄六州慰勞大使招納有稱齊文襄王遣書慰勉賜以衣帛尋勅行平州卒於官贈驃騎大將軍洛州刺史諡曰恭子懿

武定末開府鎧曹參軍

魏書辛雄傳

李承字伯業寶之長子少有策略初寶欲謀歸款民僚多有異議承時年十三勸寶速定大計於是遂決乃令承隨表八質世祖深相器異禮遇甚優賜爵姑臧侯後遭父憂居喪以孝聞承應傳先封以自有爵乃讓弟茂時論多之承方裕有鑒

裁爲時所重高宗末以姑臧侯出爲龍驤將軍滎陽太守爲政嚴明甚著聲稱延興五年卒時年四十五贈使持節大將軍雍州刺史謚曰穆

魏書李寶傳

唐

辛仲龕彥之子任猗氏令早有令譽

平陽志

李懷仁永徽間以宗室子弟授朝議郎行癭陶縣令爲政以學校爲先以耕桑爲急能使士民樂業穿窬屏息雖老殘疾惇

咸無所憾故境內有狸相乳麥秀八歧之應

萬姓統譜

李長系出涼武昭王元盛生而聰明治左氏春秋舉孝廉初任貝州參軍三遷至國子主簿御史中丞盧奕司察旬服辟爲

狄道州志

卷八

人物上

十二

從事天寶十五年大盜覆東周奕死節長遁脫而南會永王璘都督江左諸軍雅知長材將署於幕長告不能無何璘果敗時肅宗在岐朝廷擢良吏以慰郡縣不限官次丞相韋見素表長可用詔攝安州刺史考績旣成眞拜均州治中遷鄧州康允之叛南土大擾長會諸將討不臣尺兵不喪凶黨大壞歷隨曹婺三州徵傳韓王出爲梓州又換明州時越初靜瘡疾未復長務穡勸農人安懷之及其去也如奪乳育年七

十卒

梁肅明州刺史李公墓誌銘

元

烏馬兒河南光州達魯花赤威德兼濟光人有去思碑馬祖常

爲之撰文後官亞中大夫歷通議大夫湖州府總管舊府志

明

劉正少卿杰之子洪武中由明經任大同衛 事歷大理寺左

評事正屢世同居以一人最長者爲家長歲擇子弟分任家

事門內肅然鄉里化之正與其弟忠相爲師友忠亦官大理

右評事時號二劉卒年七十一贈中議大夫劉氏譜畧

李弼字士佐由鴻臚序班遷知淇縣歷工部員外知楚雄南康

二府忠厚質直有善政歸囊蕭然舊府志

王道亨舉建文元年鄉試弟道隆舉永樂九年鄉試時稱王氏

雙鳳道亨任刑部主事卒於官道隆知內江縣政績卓異吏

狄道州志

卷八

人物上

十三

民畏而服之後陞大理寺評事甘肅通志

劉忠字之葵杰次子幼以孝聞補郡弟子員旋以廕授太學生

任南京大理評事錄囚廣東以平允聲聞中外將轉官偶與

僚寀議邊務不合遂力求致仕歸性儉約不營產業所得祿

賜皆散之親故人謂有父風云劉氏譜畧

劉源字大本正之孫也由舉人官長沙府同知丁憂改太原遷

兩淮運同後以忤權璫左遷廣東行太僕寺丞尋以邵武同

知知嘉興府旋改守永平時有張虎等作亂源擒斬渠魁百

餘脅從者盡釋之所至廉介公清人不敢干以私後調開封

府以母老乞休軍民奏留加三品服俸卒於官源博學工詩

文善臨池所著有翠屏集府志

趙維禎字世祥天順壬午舉人成化間任仁和知縣以廉能稱

趙氏族譜

周鳳成化進士任兵部職方司主事歷浙江右參政寬恕廉明詢民瘼敬祀典屢任不攜家衣食無異寒素任滿老稚遮道

擁留涕泣不忍別甘肅通志

高景字必大由舉人知河南嵩縣興學造士約己愛民時境有二紅狼噬人景禱於嶽神越一日二狼突至縣大吼而死尋調懷仁值艱歸復補彰明未幾致仕行李蕭然其後三邑俱

有召杜之思甘肅通志

狄道州志

卷八

人物上

十四

禹祥字廷楨成化丁酉舉人性至孝會家被火惟抱先人木王餘悉不顧後任劍州知州居官清約如貧士呂涇野先生稱其公直而廉沒祀劍州名宦通志

周敏臨洮衛人由鄉舉任四川仁壽知縣居官清約鄉邦重之

通志

王暉任甯鄉主簿以廉能陞壽州判官其事績載平陽志府志

劉桂林字廷美源之子宏治中由貢生令湯陰以慈祥廉介聞

俄以疾致仕劉氏族譜

魏文政字養民宏治戊午鄉舉由遼陽教授陞泰興知縣時邑多流亡文政力除一切鱗集差徭及需索諸弊歲減民科費

數萬金復業者萬餘戶

府志

苟鑑字克明由歲貢任霑化簿時大飢民望賑甚急鑑請命當塗弗許遂做汲黯故事竟開倉賑給全活甚衆既而主計者

亦察其賢云

通志

曹寶由舉人歷官景州知州性剛方無阿有治績

舊府志

劉朝麒字仁甫其先鳳陽定遠人始祖德甫洪武初從征戰歿太祖擢其子原飛熊衛世襲指揮僉事迨孫橫調臨洮衛遂家焉朝麒以嘉靖甲午舉人卒業太學授眞定通判旋視篆趙州有富民王相者讐其兄密使傭火兄屋傭不聽相懼謀泄反縱火殺傭家七人以滅口傭婦翁白冤亦被謀死相以

狄道州志

卷八

人物上

十五

賂啗朝麒不動更挽有力者以無證爲辭朝麒堅不可曰七命卽證也竟置於法遷知絳州建奎文閣興學校築汾堤絳有靈邱藩封招納無賴強糴甚爲民害朝麒正其罪諸宗人譟於庭朝麒諭以法卒解散再承德安值歲饑開廩施賑全活者甚衆丁艱復補大同墾荒田數千頃擢口北道尋引疾歸隆慶中就家進階朝列大夫年八十二卒朝麒生平寡言慎行孝友樂施居林下者二十餘年絳人祀於名宦萬歷庚子直指請祀鄉賢祠

府志兼採譜畧

楊啟充字子大嘉靖甲午舉人筮仕五臺令世宗建三殿採木於邑時亢旱河水將竭艱於輓運啟充默禱於天是夕大雨

如注水盡由山浮出人皆異之尋知湖州會俺酋數萬騎圍右衛啟充內捍郡邑而外輸軍餉卒解其圍遂遷戶部郎中後督餉榆林以侃直忤當路歸宦囊蕭然隆慶改元進階朝列大夫府志

李自發字伯生楊椒山門人也行修學邃由舉人諭稷山旋典蜀省文衡甄錄多名士後尹垣曲平訟均賦以不阿上官挂冠歸府志

劉誼字正卿臨洮衛人由太學生任平陸令清慎勤敏發奸摘伏尋以憂歸服闋補費邑令平徭賦勸農桑有古循吏風費廟學浸圯而文運隨之誼捐俸修葺是年卽有掄大魁者尋

狄道州志

卷八

人物上

十六

擢南安太守以親老乞休屢徵不出府志

周自新以郡學生襲臨洮衛百戶時衛所五屯分隸各百戶以自養贍國與民交病之自新以法自繩秋毫無妄取歷官參將致政林下二十餘年賦詩鼓琴以自娛郡守額其門曰關

西儒將府志

李璉字商需狄道令勗之元孫由舉人嘉靖時任奉天監督同知廉惠清慎多善政後以直節忤當道罷歸躬耕高石崖樂

道自娛以終其身採錄

趙本字立之苦學無間寒暑由嘉靖癸卯舉人知施秉縣後調

任武清民懷其廉卒於官

趙氏譜畧

趙昆字承裕梁之子嘉靖丙辰襲衛使兼理屯局額外稅賦一

切報罷尋乞休居南山別墅適意山水年六十卒

趙氏家乘

潘光祖字義繩號海虞少家貧下帷攻苦中天啟甲子解元聯

捷進士任吏戶二部郎中歷山西參議道性清介執法不撓

巡按某托令曲庇所知光祖不從巡按脚之會流寇猖獗諸

州大飢光祖多方撫恤民賴以安後賊又八境掠地陷城邑

光祖親冒矢石日夜督軍拒戰賊皆敗走上官嫌其直以招

降之誤劾其縱賊光祖曰予於國家心力盡矣豈能復對刀

筆吏乎遂仰樂而卒晉民悲感立祠祀之

通志

國朝

狄道州志

卷八

人物上

十七

石秉乾字建伯副總兵崇德子中順治辛卯武舉康熙三年臨

洮府仍復屯衛委官開墾屯田招耕輸納秉乾署管本衛屯

糧事三年之間四鄉五所開墾屯地一千餘頃招人民八百

餘戶

石氏譜畧

李蓀字桂海由舉人任蘄水知縣蘄俗多逋租前令率未二三

載輒罷去蓀曰此土田未清故也因履畝勘丈絕其兼併自

是蘄無催科之累人爲立祠頌德

李氏譜畧

李馨字蘭若以選貢仕京山縣丞會邑令奉使他郡馨署篆痛

革一切積弊除火耗之半完正賦令歸謙其軋已潛賄司李

劾於撫軍撫軍廉其實切責令由是無敢短丞者後又署景

陵時景陵以征輸逃亡逋糧數萬馨知爲富豪欺隱及胥書詭洒盡心搜剔積逋咸清懲革害民巨蠹百三十七人究追故宦之叛僕二十餘人頌聲大作前令劉毓賓陶襄坐逋糧羈候馨皆設法代完令還里譚太史某贈詩曰居然境內成三異不見囊中有一錢蓋實錄云

採錄

直諫

楊珪 曹英 高良弼 雍焯 張萬紀

金

楊珪臨洮人衛紹王大安元年徐沛界黃河清五百餘里幾年以其事詔中外珪上書曰河性本濁而今反清是水失其

狄道州志

卷八

人物上

十八

性也正猶天動地靜使當動者靜當靜者動則如之何其爲灾異明矣且傳曰黃河清聖人出假使聖人生恐不在今日又曰黃河清諸侯爲天子正當戒懼以消灾變而復誇示四方臣所未喻宰相以爲妖言議誅之慮絕言路卽詔大興府

鎖還本管

金史五行志

明

曹英字文華臨洮衛人天順庚辰進士以湖廣道監察御史巡按四川歲大荒有趙鐸者嘯聚爲盜英摘首惡實大辟餘令解散歸業未幾以言事忤旨左遷邵陽知縣二年引疾歸

舊縣志

志

高良弼字夢說臨洮衛人宏治己未進士官湖廣道監察御史
嘗巡京倉查盤邊儲省劾劉瑾苗逵不法數事旋調掌貴州
道題設三邊宣大總制及京營兵十萬中外便之後巡按蘇
松振綱肅紀風裁凜凜卒於官年三十七良弼詩文雄健所
著有西岩稿奏議若干卷祀鄉賢府志

雍焯字闇中嘉靖丁酉舉人幼穎敏有大志初任武鄉諭勤考
校獎德行賙貧乏一時科目奮起督學胡公嘉其詩聘河南
考試官所得多名士擢交城令復除河津令興利寬徵捐俸
新學建大禹廟葺子夏祠邑俗婚禮重財焯亟力正之民歌
曰高如山明如鏡清如水平如秤旋拜貴州道監察御史條

狄道州志

卷八

人物上

十九

陳馬政世廟可其奏令刊行之尋清軍河南釐正影射百千
有奇祥符尹爲藩王誣繫獄焯力白其冤得復官又劾嚴氏
貴客後巡按山東崇循吏段知府之祀論梅提學之奸疏衍
聖公之惡竟忤權貴遂引疾歸在告二十餘年建小樓藏古
今書籍所著有中州使餘集麓原文集內臺奏稿雍氏世譜
孝子傳洮陽八景詩刊周禮爾雅孝經諸書又嘗捐金修城
設義塚置學田繕祠宇宦轍鄉評皆稱爲名御史府志

張萬紀字舜卿號兌谿曾祖旺有隱德別有傳萬紀中嘉靖丁
未進士以行人選吏科給事中時嚴黨尹耕以知府驟陞僉
事流毒河間怨聲載路萬紀劾之詞義激切世宗可其奏逮

耕謫戍尋陞禮科右給事中時世宗建醮西城諸司相率進香萬紀獨弗往詔廷杖四十臀肉盡落萬紀復疏諫之略曰大明御極正元愷得志之時神聖中天非異端擾亂之世何期妖風大起元臣逢迎蠱惑聖心引致妖道陶真人入京錦衣衛陸柄先爲之結識而元臣夏言嚴嵩交相迎援擅藏秘宅每探討異術以圖諷媚致妖人得以入禁復有建醮之舉糜費內帑五月朝事不設論者寒心臣不忍觀故未敢隨班上香緣獲抗違之罪蒙廷杖既絕復蘇際此朝政紊壞不敢不冒干聖聽以冀肅清夫妖人襲不經之語閉塞天聰爲禍非渺二臣引援罪惡非細此陛下所宜加禁治挽人心而肅

世道者也疏入不報但賜白鏹十兩紗衣一襲而已未幾復聞嚴氏欲殺楊忠愍具疏將救之嚴氏聞之遂出萬紀守廬州忠愍頓足歎曰豪傑去矣因別以詩云幾度爲親焚諫草百寮忌爾著時名蓋惜之也抵廬問疾苦察冤抑罷諸不急之務時舒城令徵稅弗愼胥吏以石易銀罪坐令萬紀以字跡廉得其人寘之法令得復官在郡五月境內肅然復罄囊鑿山開渠灌地千頃廬民爲建生祠會嚴黨終啣之假星變考察落職歸里躬耕事親四十餘年自號超然山人每謁椒山祠必垂涕爲詩里人多傳誦之隆慶初遭母憂哀毀盡禮天久旱葬之明日霖雨沛下侍御邢公以孝感旌其門崇禎

初撫按科道凡九薦不起祇復原職進階中憲大夫而已卒
祀鄉賢巡撫王旋爲置忠諫名臣坊

府志兼採
行狀墓誌

勇略

牛邯

李弇

翟璠

李韶

李元珍

李叔仁

辛威

李安

李孝恭

烏古論長壽

阿哥昌

阿哥潘

趙重喜

趙安

趙英

趙鉉

趙梁

石璠

何奮武

趙永在

岳鎮邦

岳昇龍

周化鳳

王朝海

張學詩

張憲載

宋虎山

董錦

張玉

漢

狄道州志

卷八

人物上

二十一

牛邯字儒卿有勇力才氣雄於邊陲大司空杜林大中大夫馬

援並薦之以爲護羌校尉與來歙平隴右

後漢書
隗囂傳

晉

李弇字子完本名良又妻姓梁張駿戲之曰卿名良妻姓梁夫

妻相同稱子孫將何以目其舅氏昔耿弇以少年立功吾今

賴卿有同於耿氏乃改名曰弇仕至武衛將軍天水太守封

安世亭侯其孫暠王有涼土遂爲西涼王

前涼
錄

翟璠武始人仕乾歸爲冠軍將軍

前涼
錄

初氏王楊定率步騎四萬來伐乾歸遣涼州牧乞伏軻彈秦

州牧乞伏益州立義將軍乞歸拒之定敗益州於平川軻彈

乞歸引衆而退瑄奮劍諫曰將軍以維城之重受闔外之寄當宣力致命輔甯國家今秦州雖敗二軍尙全奈何不思赴救望風奔散昔項羽斬卿子以甯楚胡建戮監軍以成功瑄誠才非古人獨不能以便宜斬將軍乎軻彈乃率騎赴之益州乞歸亦勒衆而進大敗定兵斬定及首級一萬七千於是盡有隴西巴西之地轉吏部尙書

晉書乞伏
乾歸傳

北魏

李韶字元伯承之長子與弟彥虔蕤並爲高祖賜名延興中補中書學生襲爵姑臧侯除議曹令遷給事黃門侍郎後例降侯爲伯兼大鴻臚卿黃門如故高祖遷都遷太子詹事出爲

狄道州志

卷八

人物上

二十二

安東將軍兗州刺史世宗初徵拜侍中尋除撫軍將軍并州刺史以從弟伯尙同元禧之逆雖不知謀猶坐功親免官爵久之起兼將作大匠呂苟兒反於秦州除撫軍將軍西道都督行秦州事與右衛將軍元麗率衆討之事平璽書勞勉復其先爵時隴右新經師旅之後百姓多不安業韶善撫納甚得夷夏之心徵還行定州事尋轉相州刺史將軍如故肅宗初入爲殿中尙書後除史部尙書出爲冀州刺史清簡愛民甚收名譽遷車騎大將軍賜劍佩貂蟬衣服寢具韶以年及懸車抗表遜位優旨不許及赴中山冀州父老皆送出西境相聚而泣二州境旣連接百姓素聞風德州中大治正光五

年四月卒於官年七十二贈車騎大將軍司空公雍州刺史
諡曰文恭既葬之後有冀州兵千餘人戍於荊州還經韶墓
相率培塚數日方歸其遺愛如此長子璵字道璠襲武定中

驃騎大將軍東徐州刺史

魏書李寶傳

李元珍韶從弟也起家奉朝請太尉錄事將軍卒於步兵校尉

魏書李寶傳

李叔仁驍健有武力以功賜爵獲城鄉男梁豫州刺史王超宗
內侵揚州刺史薛真度遣叔仁大破之以功累遷洛州刺史
又除光祿大夫朔州刺史齊州廣川人劉執清河太守邵懷
聚衆反詔叔仁討平之除鎮西將軍金紫光祿大夫轉車騎

狄道州志

卷八

人物上

二十三

大將軍儀同三司叔仁所用之槩長大異於常槩時人壯之

北史本傳

北周

辛威少慷慨有志略初從賀拔岳征伐有功假輔國將軍都督
及周文統岳衆見威奇之引爲帳內封白上縣伯後進爵爲
公累遷開府儀同三司賜姓普屯氏出爲鄜州刺史威時望
既重朝廷以桑梓榮之遷河州刺史本州大中正頻領二鎮
頗得人和周孝閔帝踐祚拜大將軍進爵枹罕郡公宣政元
年進位上柱國大象二年進封宿國公復爲少傅薨威性持
重有威嚴歷官數十年未嘗有過故得以聲名終兼其家友

義五世同居時以此稱之子永達嗣位儀同大將軍

北史本傳

隋

李安字元德父蔚仕周爲朔燕恒三州刺史襄武縣公安美姿儀善騎射周天和中釋褐右侍上士襲爵襄武公俄授儀同少師右上士高祖作相引之左右遷職方中大夫復拜安弟愬爲儀同高祖卽位授安內史侍郎轉尚書左丞黃門侍郎平陳之役以爲楊素司馬仍領行軍總管率蜀兵順流東下時陳人屯白沙安謂諸將曰水戰非北人所長今陳人依險泊船必輕我而無備以夜襲之賊可破也諸將以爲然安率衆先鋒大破陳師高祖嘉之後與愬俱爲柱國卒年五十三

狄道州志

卷八

人物上

二十四

諡曰懷子瓊嗣少子孝恭最有名愬後坐事除名配防嶺南

道病卒

隋史本傳

唐

李孝恭安少子少沉敏有識量高祖以定京師詔拜南山招慰大使狗邑屬下三十餘州進擊朱粲破之俘其衆諸將曰粲徒食人鷙賊也請阬之孝恭曰不然今列城皆吾寇若獲之則殺詎有降者悉縱之由是騰檄所至輒下明年拜信州總管進前湘道總管統水陸十二軍發夷陵破蕭銑二鎮銑遂降帝悅遷荊州大總管平江南璽書褒之

萬姓統譜

金

烏古論長壽臨洮府第五將突門族人也本姓包氏襲父永本族都管泰和伐宋充緋翹軍千戶取床川寨及祐州宕昌辛城子貞祐初夏人攻會州與戰於窄土峽先登陷陣詔錄前後功遙授同知隴州防禦事世襲本族都巡檢三年賜今姓夏人圍臨洮扼渭堡內外不通統軍司募人偵候臨洮消息長壽應募馘二人擒一人問得臨洮及夏兵事勢以勞遷宣武將軍復遷懷遠大將軍升提控輿定元年夏人大八隴西長壽拒戰遷平涼府治中兼節度副使提控如故輿定二年遷同知臨洮府事分兵伐宋長壽由鹽川鎮進兵拔宕昌縣進攻西和州長壽奮擊宋兵八保城堅壁不復出長壽乃

狄道州志

卷八

人物上

二十五

還凡斬馘八千獲馬二百餘牛羊三萬器械軍實甚多遙授隴安軍節度使同知通遠軍提控如故頃之升總領都提控改通遠軍節度使夏人攻定西是時弟世顯已降夏人夏人執世顯至定西城下長壽不顧奮戰夏兵退加榮祿大夫未幾夏人復攻會州移兵臨洮長壽伏精兵五千於定西險要間敗夏兵三萬騎殺千餘人獲馬數百夏人已破西甯乃犯定西長壽擊却之斬首三百級旣而三萬騎復至攻城甚急長壽乘城拒戰矢石如雨夏兵死者數千被創者衆乃解去

是歲卒

金史本傳

元

趙阿哥潘土波思烏思臧掇族氏始附宋賜姓趙氏世居臨洮
祖巴命富甲諸羌父阿哥昌貌甚偉有力兼人金貞祐中以
軍功至熙河節度使金亡保蓮花山以其衆來歸皇子濶端
承制以爲疊州安撫使時兵興城無居人至則招逃亡立城
壘課農桑以安輯之年八十卒於官潘事親以孝聞從伐蜀
以破大安功最授同知臨洮府事斬朝天關乘嘉陵江至閬
州攻利州生得其劉太尉宋制置使劉雄飛進攻青居山潘
擊之宵潰進逼成都畧嘉定平峨眉太平寨歲壬子世祖以
皇弟南征大理道出臨洮命攝元帥憲宗出蜀以潘爲選鋒
攻西安下之賜金符授臨洮府元帥帝駐釣魚山合州守將

狄道州志

卷八

人物上

二十六

王堅夜來斫營潘率壯士逆戰手殺數十百人堅遂引去中
統建元詔還鎮臨洮歲飢發私廩以賑貧乏給民農種粟二
千餘石蕪菁子百石人賴不飢郡當孔道傳置旁午有司敝
於供給潘以私馬百匹充驛騎羊千口代民輸帝聞而嘉之
詔酬其值不受後以軍事赴青居山道爲宋兵所邀遂死於
敵初潘好畜良馬常千蹄歲擇其上驥五駟貢於朝子孫遵
之不替帝勅大臣以美謚謚之謚曰桓勇

元史本傳

趙重喜潘之子始給侍皇子濶端爲親衛癸丑從世祖征哈刺
章數有功中統元年渾都海反從總帥江良臣引兵至拔沙
河納火石地逆戰以功授征行元帥四年從討忽都達吉散

竹台等克之制必帖木兒王承制使襲父職爲元帥入覲賜金虎符爲臨洮府達魯花赤時解軍職而轉民官者例納所佩符有旨趙氏世世勤勞其金符勿拘常例使終佩之重喜在郡勸農興學省刑敦教以善治聞請致仕不許詔其長子官卓斯結襲爲達魯花赤陞重喜鞏昌二十四處宣慰使卒

謚桓襄

元史阿哥潘傳

明

趙安字仲磐從兄琦士指揮同知坐罪死安謫戍甘州永樂元年進馬除臨洮百戶使西域從北征有功進都指揮同知宣德二年松潘番叛充左叅將從總兵陳懷討平之進都督僉

狄道州志

卷八

人物上

二十七

事時議討兀良哈詔安與史昭統所部赴京師兀良哈旋來朝命回原衛使烏思藏四年還明年復以左參將從史昭討曲先斬獲多九年中官宋成等使烏思藏命安帥兵千五百人送之畢力木江尋與侍郎徐晞出塞討阿台朶兒只伯敗之正統元年進都督同知充右副總兵官協任禮鎮甘肅明年與蔣貴出塞剿寇無功三年復與王驥任禮蔣貴分道進師至刁力溝執右丞達魯花赤等三十人以功封會川伯祿千石明年移鎮涼州安勇敢有將略與貴禮並稱西邊良將九年十二月卒子英爲指揮使立功進都督同知

明史本傳

趙英字廷傑正統七年襲臨洮衛指揮使十三年以征失喇哈

真地擒僞祁王鎖南功陞都司僉事協鎮涼州景泰元年虜犯塞英與戰大破之四年同副總兵蕭敬征亦林真集斬獲甚多天順元年征哨蘆塘斬賊首十三復生擒者三寇於破山口犯塞英與總兵蕭敬約斷其歸路英與賊遇且戰且却將誘致之比至蕭已違約遁去遂陷陣英身被刃矢猶挽弦力射一賊突前斷英弦英以弓擊之賊墜地一賊手探英馬韁英揮佩刀斷其臂遂乘間出圍二年虜寇孛來入境英同遊擊陳友應援俘斬有功又應援甯夏至安邊營遇敵斬首五百餘進都指揮使鎮涼州尋陞都督僉事七年同總兵衛穎劉玉撫捕啞哂阿吉思冬沙等族斬賊首三千有奇復以

狄道州志

卷八

人物上

二十八

同知都督充遊擊將軍至龍州大兔鶻狄青原遇敵擒斬有差成化四年以副總兵仍鎮涼州八年赴延綏鐵角城遇敵連戰勝之屢蒙賞賚十七年以疾辭卒年七十三

趙氏家乘畧

趙鉉字宗器年十八隨父守涼州因遊涼庠成化時守臣薦於朝命世襲指揮督洮岷八衛兵守備涼州北虜入寇鉉與遇於朶浪口斬獲甚衆尋移河湟復以遊擊鎮永昌行邊至金川舖虜千騎突出鉉相機力戰破之辛酉七月虜入韋州剽掠鉉擊敗之得其牛羊器械以歸又夜二鼓報虜騎五百掠牛羊北去鉉徐肅隊仗黎明追及之虜衆潰殺傷奪獲不可勝計自是虜不敢南牧先是值凶歲遇餓莩者鉉爲之設室

廬給衣食存活甚多麾下一貧卒將鬻妻以補官馬鉉惻然爲之贖妻道經沔池有因人命賣其子以逭官刑者鉉輸金還其子其好義類如此年五十五卒

趙氏家
乘畧

趙梁字隆之濟之子父守備岷州梁從岷山劉伯正授春秋末弱冠爲郡弟子員嘉靖時襲臨洮指揮歲飢出粟三百餘石先給兩庠士子蘭州中護衛屬藩封久難治當道以梁往申嚴條約更新府庫勢豪不敢作梗侍御朱槐亭疏其才力陞西固城守備吐番帖服尋移甯夏廣武時多邊警梁誓將練兵諭以忠義每出必身先士卒虜不敢近塞後以疾乞休卒

於家

趙氏家
乘畧

狄道州志

卷八

人物上

二十九

石璠字世望同知甯之子以郡庠生襲祖職正德七年勦流賊於老馬山有功尋移涼莊嘉靖元年改陞本衛軍政掌印八年洮岷番侵臨洮璠從都督劉文敗之十八年歲飢發私粟以賑貧乏嘗捐修文廟啓聖祠泮池及公署兼製祭器屢陞懷遠將軍子巖襲職由僉事陞同知嘉靖三十年以戰功陞本衛軍政掌印

石氏
譜畧

何奮武臨洮衛百戶神宗時從總兵劉綎闢新疆得紅水永泰等地千餘里尤多戰功擢授右軍都督府僉事贈榮祿大夫

卒於家

甘肅
通志

趙永在字延德昆之子神宗甲戌襲本衛指揮有強寇攔路劫

掠永在單騎捕獲首惡馬康哇等二十八人庚寅火酋犯境
永在嚴兵固守捍禦之功居多

趙氏
家乘

國朝

岳鎮邦臨洮衛人父文魁明固原鎮督標都司鎮邦幼奇偉順
治四年散家貲招義勇大破逆回米刺印生擒左王三解赴
總督軍前十二年率族隨軍討平逆賊刁爾吉康熙十四年
靖逆侯張勇薦拔撫標中軍以克臨洮全鞏昌奪回洛門行
營陞洮岷副將十八年轉紹興協副將居鄉謙讓和睦宗族
遇無告者傾貲周濟

甘肅
通志

岳昇龍字見之鎮邦長子值吳逆變隨奮威將軍王進寶克復

狄道州志

卷八

人物上

三十

臨洮城既下懇主帥禁輯部卒還所掠人口時遊擊許進忠
潛通賊營受僞劄昇龍密訪得實擒斬之歷陞遊擊參將後
扈從車駕平定噶爾旦康熙四十年陞任四川提督征建昌
涼山諸蕃降十萬戶昇龍事母至孝友愛昆弟封榮祿大夫
卒子鍾琪雍正初四川提督歷陝西總督加少傅封世襲三
等公八年征西藏授甯遠大將軍兼撫遠大將軍弟超龍湖

廣提督

甘肅
通志

周化鳳字功麟康熙初以吳逆之變從奮威將軍王進寶復天
水收岳州進取辰龍關隨復偏橋興隆等處奪沙子哨攻拔
臘茄坡恢復新興普安逆賊蕩平歷陞湖廣襄陽總兵官又

調雲南永順總兵署提督印務化鳳在鎮整部伍肅軍實威德並著所至有功軍民悅服

甘肅通志

王朝海智勇絕倫康熙十四年吳逆變黃河以東悉爲賊有朝海先鋒破敵夜渡黃河克復臨洮蘭州進勦寶雞連雲棧生擒賊將三百餘名進取漢中又進勦廣元縣朝天關蟠龍山保甯等處凡經數百戰大破逆賊歷陞四川重慶總兵調補貴州威甯鎮復帥師進勦蠻賊生擒賊首王成鳳王騰龍等降其餘衆賊平陞貴州提督

甘肅通志

張學詩字敬齋康熙間由行伍爲臨洮城守遊擊素習邊事民夷悅服時尙武功郡中子弟不以講學爲意學詩設立義學

狄道州志

卷八

人物上

三十一

勤於誘導肅而有禮多所成立學詩久歷行間遇軍情必親身調度後擢衛輝參將未赴以疾卒郡中吏民爲立碑頌德

甘肅通志

張憲載字仰厚學詩子身軀偉岸膂力絕人由武生效力提督張勇標下康熙十四年隨征吳逆時賊攻圍甯遠甚急憲載奮力堵截保守城池又隨甯夏提督趙良棟進勦四川克成都解永甯圍恢復保甯越雋等城直抵建昌以功擢涼州參將歷興安總兵官

甘肅通志

宋虎山由行伍爲西甯鎮標下千總當吳逆之變隨奮威將軍王進寶克復臨鞏軍功最著後征勦雲南以力戰署永順參

將旋陞永順協副將歷授楚雄鎮總兵

宋氏譜畧

董錦字燦素康熙壬子武舉已卯吳逆猖狂錦杖策謁靖逆侯張勇題授撫標千總既而洛門天水寇賊竊發錦隨副將岳昇龍出征敘功授都司管河州守備時撒喇回夷不戢錦單騎赴諭夷遂戢睦遷西甯都司總督佛倫題授巴暖三川營遊擊巴暖舊有水利未興錦鼓勵居民開渠灌田任五載以父老乞終養歸年五十八卒

董氏譜畧

張玉字珏軒其先晉陽人祖以商僑狄道遂家焉玉祖姑婿張憲載爲鎮番參將玉從之因嫻騎射譚逆猖亂玉隨湖廣提督徐公進征四川夔關各路隨邀優敘康熙十九年夏包子

狄道州志

卷八

人物上

三十二

叛玉隨征金口奮勇爭先事平授四川建昌遊擊越雋賊夷加巴貫子等肆行殺掠玉統兵會勦斬獲甚多越雋平授四川遵義副將逾年視重慶鎮事雍正元年九月諸番悖逆玉由黃勝關出口直抵熱當夜出奇兵克復東車兩堡旋駐歸德二年進征卓子山先冒矢石連破三寨主將奇其才卽委總統川陝漢土官兵招撫寫爾素錢朶諸番皆不血刃而降後率漢土官兵回川路遇逆番力戰破之又招撫六哨諸番仍視重慶鎮事六年黃螂逆蠻德昌煽動苗民玉生擒德昌招安餘黨諸蠻悉平奏凱授川北鎮總兵九年以老乞休歸篤宗族敦倫理卒年七十三

採錄

